



CONCELLO DE XINZO DE LÍMIA (Ourense)

Código Postal 32630 - Tel. 988 55 01 11 - Fax. 988 55 01 12 - C.I.F. P 3203300 C

-CERTIFICADO-

Dona **Marta M^a Gómez Ruíz**, Secretaria do Concello de Xinzo de Limia,

CERTIFICO:

Que en sesión ordinaria do **Pleno** de data **03/11/2015** entre outros adoptouse acordo do teor literal seguinte:

“6. ADHESIÓN Ó CONVENIO MARCO DE COOPERACIÓN DA DEPUTACIÓN PROVINCIAL DE OURENSE COAS ENTIDADES LOCAIS DA PROVINCIA EN MATERIA DE TRANSPARENCIA E ACCESO Á INFORMACIÓN PÚBLICA.

O Sr. Alcalde pídelle á Sra. Secretaria a lectura do ditame da **Comisión Informativa de Persoal, Réxime Interior e Tráfico**, de data 27/10/2015, tendo este o seguinte teor literal:

“2. ADHESIÓN Ó CONVENIO MARCO DE COOPERACIÓN DA DEPUTACIÓN PROVINCIAL DE OURENSE COAS ENTIDADES LOCAIS DA PROVINCIA EN MATERIA DE TRANSPARENCIA E ACCESO Á INFORMACIÓN PÚBLICA.

Tras o debate os membros da comisión informativa aproban a seguinte proposta co voto favorable dos membros do Grupo de Goberno (PP) (5+1), o Alcalde), voto favorable dos Concelleiros do grupo municipal Socialista (PSOE) (2), voto favorable do Concelleiro do Grupo Mixto-BNG (1), e a abstención dos Concelleiros do grupo municipal “Xinzo Adiante” (2):

“Visto que en data 05.10.2015 tivo entrada no rexistro do Concello núm. 5791 un escrito do Presidente da Deputación de Ourense no que adxunta o acordo adoptado polo Pleno da Deputación de data 25.09.2015, en virtude do cal, acórdase aprobar convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública, achegando a este efecto o contido do mesmo, ordenando dar traslado de dito acordo ás entidades locais da provincia a fin de que poidan proceder a súa adhesión, e acordando a súa publicación no BOP de Ourense. Asemade, achégase como Anexo I, un modelo da parte dispositiva do acordo de adhesión ó convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública.

Vista a providencia de alcaldía de data 6/10/2015, na que se ordenaba que se iniciasen os trámites precisos para proceder á adhesión do convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública, habida conta da falla por parte deste Concello de medios técnicos axeitados para dar debido cumprimento ó establecido na lei 19/2013, de 9 de decembro, de Transparencia, Acceso á Información Pública e Bo Goberno.

Visto o informe emitido pola técnica municipal de data 09/10/2015, cuxo tenor literal establece:

“(…) PRIMEIRO.- Que en data 05.10.2015 tivo entrada no rexistro do Concello núm. 5791 un escrito do Presidente da Deputación de Ourense no que adxunta o acordo adoptado polo Pleno de data 25.09.2015, sobre o Convenio arriba mencionado.

SEGUNDO.- Vista cláusula 1^a o obxecto deste convenio é o establecemento do marco regulador das accións de cooperación da Deputación coas Entidades Locais en materia de transparencia, as accións de cooperación provincial na dita materia reguladas neste convenio son:

e) Cooperación para o cumprimento das obrigas de publicidade activa das entidades locais, mediante encomenda de xestión á Deputación, realizándose a dita publicidade activa a través do Portal da Transparencia de Ourense.



CONCELLO DE XINZO DE LÍMIA (Ourense)

Código Postal 32630 - Tel. 988 55 01 11 - Fax. 988 55 01 12 - C.I.F. P 3203300 C

f) *Prestación de asistencia xurídica e administrativa par a tramitación dos expedientes de solicitude de acceso á información pública.*

TERCEIRO.- Son obrigas da Deputación, segundo cláusula 2ª 2.A):

i) *Poñer en funcionamento, a partir do 10 de decembro de 2015 o portal de transparencia de Ourense, asumindo a súa xestión e mantemento de acordo coas seguintes especificacións:*

a. *O portal da Transparencia constituirá unha páxina web de titularidade da Deputación na que se publicará a información esixida na Lei de Transparencia e Bo Goberno referida á Deputación de Ourense e ás entidades locais adheridas, así como calquera outra información adicional que consideren de interese público.*

Igualmente no portal figurará información sobre as condicións para o exercicio do dereito de acceso á información pública, facilitándose a formulación de solicitudes telemáticas dende o propio Portal.

b. *O portal adecuarase aos principios de accesibilidade, interoperabilidade e Reutilización.*

c. *O Portal porá a disposición de cada entidade local adherida un espazo propio diferenciado, personalizado co seu logotipo e imaxe corporativa, susceptible de acceso directo dende a páxina principal do Portal. No dito espazo se publicará debidamente estruturada a información relativa á entidade local interesada. Ademais, as solicitudes de información relativas á entidade local poderán presentarse telematicamente a través do Portal.*

j) *Subministrar ás entidades locais adheridas instrucións concretas e precisas sobre a información que debe remitirse á Deputación, periodicidade con que debe levarse a cabo a dita remisión e o formato en que debe enviarse, asesorando en todo momento ao persoal municipal en canto aos requisitos de elaboración e envío de información. A remisión destas instrucións realizarase telematicamente, sen prexuízo da posibilidade de efectuar consultas telefónicas ou visitas informativas de carácter presencial, nos casos en que se considere necesario.*

k) *Examinar a información remitida, e, de ser o caso, recomendar a emenda das deficiencias advertidas para o seu axuste ás esixencias establecidas na Lei de Transparencia e Bo Goberno e na normativa sobre protección de datos.*

Se a entidade local rexeita expresamente realizar as emendas recomendadas, a Deputación publicará a información remitida, baixo a responsabilidade da entidade remitente. Non obstante o anterior, a Deputación non publicará en ningún caso información que vulnere o establecido na lexislación sobre protección de datos, podendo proceder de oficio, a realizar as operacións de disolución precisas para garantir o cumprimento da dita normativa.

l) *Designar un interlocutor único coas entidades locais adheridas para a remisión de información, formulación de consultas, resolución de incidencias e formulación de queixas e suxestións en relación co Portal de Transparencia.*

CUARTO.- Son obrigas das entidades locais , segundo cláusula 2ª 2.B):

g) *Designar unha persoa responsable do cumprimento das obrigas derivadas do presente convenio, coa que se entenderán todas as actuacións necesarias para a súa execución.*

h) *Remitir a información obxecto de publicación en prazo e no formato e cos requisitos que se indiquen dende a Deputación. A remisión realizarase telematicamente e unicamente polo responsable autorizado, mediante sistemas que garantan a identidade do dito responsable autorizado.*

i) *Establecer un enlace directo ao Portal da Transparencia de Ourense na súa sede electrónica ou páxina web principal.*

QUINTO.- A Deputación resérvase a facultade de denegar a publicación de información que afecte a datos protexidos ou de proceder a súa disociación, tanto unha cousas como a outra adoptarse mediante resolución da Presidencia, que será notificada á entidade local interesada.

En todo caso, transcorridos tres meses desde a recepción da información pola Deputación sen que se teña adoptado a decisión de denegación da publicación ou disociación da información, entenderase autorizada por acto presunto a súa aplicación.



CONCELLO DE XINZO DE LÍMIA (Ourense)

Código Postal 32630 - Tel. 988 55 01 11 - Fax. 988 55 01 12 - C.I.F. P 3203300 C

SEXTO.- A información publicada no Portal de Transparencia estará dispoñible indefinidamente. A retirada da información do Portal requirirá resolución expresa do órgano competente da entidade local interesada, da que se deixará constancia no Portal.

SÉTIMO.- Vista cláusula 3 calquera persoa interesada poderá formular, telematicamente e a través do Portal da Transparencia, solicitudes individualizadas de información pública de que sexan titulares as entidades locais adheridas. Para estes efectos, as ditas solicitudes quedarán rexistradas no Rexistro Electrónico de Entrada da Deputación.

OCTAVO.- Segundo cláusula 4ª a Deputación prestará ás entidades locais adheridas, previa solicitude, asistencia xurídica, técnica e administrativa na tramitación dos procedementos individualizados de acceso á información pública.

NOVENA.- As accións de cooperación e asistencia previstas no presente convenio marco terán carácter gratuíto para as entidades locais adheridas, segundo cláusula 5ª do Convenio.

DÉCIMA.- Para a adhesión ao convenio marco, as entidades locais deberán remitir o correspondente certificado do acordo de adhesión, conforme ao modelo do anexo I.

UNDÉCIMA.- Vista cláusula 7ª as entidades adheridas poderán realizar un control e seguimento do exercicio da encomenda conferida mediante a solicitude de información detallada, en calquera momento, das actuacións realizadas. Poderán formular suxestións, queixas ou reclamacións que deberán ser contestadas no prazo máximo de quince días hábiles.

DUODÉCIMA.- A vixencia do convenio será indefinida, gozando de plena eficacia no prazo de quince días hábiles a partir da data de recepción pola Deputación do acordo de adhesión.

DÉCIMO TERCEIRA.- Na cláusula 9ª están recollidas as causas de extinción do convenio: por denuncia unilateral de calquera das entidades locais, por resolución unilateral da Deputación por incumprimento das obrigas da entidade local, pola declaración da súa extinción, co carácter xeral e para todas as entidades adheridas cunha antelación mínima dun ano respecto a data da súa operatividade.

DÉCIMO CUARTA.- Segundo cláusula 10ª a eficacia do convenio poderá suspenderse, de forma temporal, e exclusivamente por causas de forza maior, mediante resolución da Presidencia da Deputación, da que en todo caso, darase conta ás Entidades adheridas á maior brevidade, e de ser posible con anterioridade á data de inicio da suspensión.

O que poño en coñecemento da Xunta de Goberno Local para que acorden o que estimen oportuno, de acordar adherirse teñen que designar unha persoa encargada de cumprir coas obrigas das entidades locais adheridas, establecidas na cláusula 2ª 2.B) e remitir o acordo de adhesión conforme ao modelo do anexo I (...)"

Realizada a tramitación legalmente establecida e visto o informe de Secretaría de data 20/10/15, esta Comisión Informativa de Obras Urbanismo e Infraestruturas

DITAMINA

PRIMEIRO. Aprobar a Adhesión do Concello de Xinzo de Limia ó convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública.

SEGUNDO. Transferirlle a Deputación Provincial de Ourense, en réxime de encomenda de xestión, o exercicio das actuacións materiais de publicación no Portal da transparencia de Ourense da información prevista nos artigos 6,7 e 8 da lei 19/2013, de 9 de decembro, de Transparencia, Acceso á Información Pública e Bo Goberno, nos termos previstos no contido do convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública, aprobado polo Pleno da Deputación Provincial de Ourense, en sesión ordinaria do día 25 de setembro de 2015, habida conta da falla por parte deste Concello de medios técnicos axeitados para dar debido cumprimento as obrigas previstas na lei 19/2013, de 9 de decembro.

TERCEIRO. Designar como persoa responsable da execución do convenio a D. Jorge Luís Gómez Yáñez, con D.N.I. 76.719.006-E. Non obstante o anterior, facúltase ao alcalde para a súa substitución, así como para o nomeamento de suplentes, dando conta ó Pleno.

CUARTO. Autorizar a persoa responsable da execución do convenio, D. Jorge Luís Gómez Yáñez, a fin de que de conformidade co disposto na cláusula 4ª do Convenio, presente solicitude a Deputación



CONCELLO DE XINZO DE LÍMIA (Ourense)

Código Postal 32630 - Tel. 988 55 01 11 - Fax. 988 55 01 12 - C.I.F. P 3203300 C

Provincial de Ourense para que preste a este concello asistencia xurídica, técnica e administrativa para a tramitación dos expedientes de solicitude de acceso a información pública.

QUINTO. Notificar o presente acordo plenario a Deputación Provincial de Ourense e a persoa responsable da execución do convenio, D. Jorge Luís Gómez Yáñez.”

(...)

Finalmente a proposta de acordo resulta aprobada co voto a favor dos Concelleiros do Grupo de Goberno (8+1, o Alcalde), voto a favor do Concelleiro do Grupo Mixto (BNG) (1), abstención dos Concelleiros do Grupo Municipal Xinzo Adiante (3), e voto a favor dos Concelleiros do Grupo Municipal Socialista (4), adoitándose o seguinte acordo:

“PRIMEIRO. Aprobar a Adhesión do Concello de Xinzo de Limia ó convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública.

SEGUNDO. Transferirlle a Deputación Provincial de Ourense, en réxime de encomenda de xestión, o exercicio das actuacións materiais de publicación no Portal da transparencia de Ourense da información prevista nos artigos 6,7 e 8 da lei 19/2013, de 9 de decembro, de Transparencia, Acceso á Información Pública e Boo Goberno, nos termos previstos no contido do convenio marco de cooperación da Deputación Provincial de Ourense coas entidades locais da provincia en materia de transparencia e acceso á información pública, aprobado polo Pleno da Deputación Provincial de Ourense, en sesión ordinaria do día 25 de setembro de 2015, habida conta da falla por parte deste Concello de medios técnicos axeitados para dar debido cumprimento as obrigas previstas na lei 19/2013, de 9 de decembro.

TERCEIRO. Designar como persoa responsable da execución do convenio a D. Jorge Luís Gómez Yáñez, con D.N.I. 76.719.006-E. Non obstante o anterior, facúltase ao alcalde para a súa substitución, así como para o nomeamento de suplentes, dando conta ó Pleno.

CUARTO. Autorizar a persoa responsable da execución do convenio, D. Jorge Luís Gómez Yáñez, a fin de que de conformidade co disposto na cláusula 4º do Convenio, presente solicitude a Deputación Provincial de Ourense para que preste a este concello asistencia xurídica, técnica e administrativa para a tramitación dos expedientes de solicitude de acceso a información pública.

QUINTO. Notificar o presente acordo plenario a Deputación Provincial de Ourense e a persoa responsable da execución do convenio, D. Jorge Luís Gómez Yáñez.”

E para que así conste perante a Deputación Provincial de Ourense, asino o presente, de orde e co visto e prace do Sr. Alcalde, e coa salvedade prevista no artigo 206 do ROF, en Xinzo de Limia, a 4 de novembro de 2015.

O ALCALDE

Asdo.: D. Antonio Pérez Rodríguez

A SECRETARIA,

Asdo.: Marta Mª Gómez Ruíz.